

外科精要卷下

臨川陳目明良甫編

吳郡後學薛已校註

論癰疽用麥飯石膏治效第三十九

李氏云麥飯石膏治發背癰疽神妙惜世罕知
有患者因膿不潰以毒一罨之

咽喉脚膝皆爲不治余用此膏
夕頓潰凡疽

得膿其毒始解或有不潰者須
用此膏故錄之

俾精擇脩合以取十全之功也

愚按前症屬腑屬陽而氣血不損者用前膏

款之固無不愈然亦有屬臟屬陰而氣血有
虧者當審其因而調治其內可也大凡瘡瘍
之作由胃氣不從瘡瘍之潰由胃氣腐化瘡
瘍之斂由胃氣營養余嘗治初結未成膿者
托而散之已成欲作膿者托而腐之膿成未
潰者托而膿之膿已潰者托而收之東垣先
生云胃氣人生發之源爲人身之本丹溪先
生亦謂治瘡當助胃壯氣使氣血堅固厥有
旨哉

詳見附錄用藥如左

麥飯石膏

白麥飯膏

炭火煨醋淬數次研極細二兩

鹿角

生取帶腦骨者斷之用炭火燒烟盡研極細四兩

右用米醋調和入砂器煎以竹片不住手攪熬成膏先以猪蹄湯洗淨以鷺翎拂塗四圍乾則以醋潤之若腐爛用布帛攤貼之

論癰疽敷神異膏功用第四十

凡疽症先以麥飯石膏塗之俟瘡根漸收却敷神異膏斂之夫癰疽之發有淺深故收斂之功有遲速斷不可早用收口之藥恐毒氣未盡後必復發為患匪輕但麥飯膏難於脩合用神異

膏亦効

愚按前症若毒已解而不生
虛也用六君子湯壯其脾胃
有餘毒亦能自解

詳見附錄

肌收斂者元氣
則肌肉自生設
用藥閑健

神異膏

露蜂房

蜂兒多者一兩

蛇蛻

鹽水洗一兩

黃丹

水飛炒五兩

亂髮

男子者如雞子大

杏仁

兩

右先將麻油入砂器煎去

盡下杏仁更煎

黑入蜂房蛇蛻仍煎黑濾上

入黃丹急攪試

玄參

五錢

麻油

斤一

軟硬得中即成膏矣其丹不必掇定前數凡膏藥用日久必老硬煎時預取嫩膏少許如硬量和之

愚按神異膏乃解毒生肌之良劑若毒既解而肌不生當治其內不可泥爲有餘之症率用攻伐以致毒在內者不能發散在外者不能收斂其爲禍不淺夫有餘者熱毒也虛火也不足者陰虛也營氣也瘡毒特其形耳

家藏神驗血竭膏

當歸

酒洗

白芷

大黃

生用

黃連

黃蘗

木鱉子去殼

皂角

杏仁

露蜂房各一兩

乳香

沒藥

血竭各三兩

亂髮

男子者一兩

黃丹

水飛細者少晒

麻油

右除乳沒血竭餘入油煎焦去粗入髮溶化
下丹將柳枝不住手攪候軟硬得中入乳香
等攪勻即成膏矣

愚按血渴膏取其以毒攻毒也若瘰癧已去
毒氣既消宜用神効當歸膏以其生肌續筋
也

厭熱神白膏

大黃

白蘞

黃柏

生用

南星

赤小荳

黑蛤粉

各一兩

右為末用芭蕉汁調塗如乾仍以汁潤之
愚按神白膏藥味多寒而南星之性辛溫佐
之有效加草烏尤妙

牡蠣地黃膏

大黃

一兩為末

牡蠣

用塩泥封固煨赤出大毒研細二兩

生地黃

浸水

右研生地黃汁調塗患處如乾更用汁潤之

愚按前膏苦寒鹹寒之劑症屬純陽用之殊
効然此症亦有屬純陰者亦有屬半陰半陽
者

治法見附錄用藥關鑿

李氏云疽疾既成先服取毒之藥外敷麥飯石
膏五七日後病漸減合用川烏二烏丸以活血
氣生肌肉排宿膿祛風邪後服內補十宣散
川烏丸治發背活經絡

大川烏

去尖

木鱉子

去殼

當歸

赤芍藥

蘇木

獨活

羌活

各一兩

沒藥

另研

五靈脂

去砂微炒

穿山甲

蛤粉炒
各一兩

右各另為末酒糊丸桐子大每服三十丸温

酒下

二烏丸治發背托裡定痛祛風涼血

羌活

薄苛葉

各二兩

川芎

玄參

地榆

麻黃

去根節

蔓荊子

旋覆花

荊芥蕙

防風

天麻

白芷

白殭蚕

直者去絲
足嘴炒用

牛蒡子

炒

甘菊花

各二兩

大川烏

去皮尖炮

何首烏

不見鐵器

粉草

炙各四兩

蟬蛻

洗去土足半兩

右為末煉蜜九彈子大每服一九無嚼茶酒

任下

愚按前二九用之對症固善然病有多端而所因不同恐不可槩施也治者審之

論癰疽口緊小硬論第四十一

李氏云大抵疽口緊小而硬者蓋因風毒所勝合用蚣蝎散瘡口以神異膏貼之

蚣蝎散

赤足蜈蚣

一條去頭足

全蝎

三箇去足生用

右為末用猪蹄湯淨洗搽之

愚按前症乃風寒滯於瘡口而未傳於內也
凡傷損之症尤多此患經云風症善行數變
入臟甚速死生在乎反掌當急分表裡虛實
而治之其邪在表者善伸數欠筋脉拘急惡
寒惕搦脉浮而弦宜羌活防風湯和解之傳
於裡者舌強口噤項背反張筋惕搐搦痰涎
壅盛胸腹滿悶或便溺閉赤時或汗出脉洪
數而弦宜大芎黃湯疏導之其汗初出者由
風熱鬱於裡亦宜大芎黃湯之類下之若熱

既退臟腑已和而汗仍出者表虛也宜白朮
防風湯以實其表然解散和鮮疏導三法此
治暴患之症氣血未損者若膿瘀內燼而見
前症者宜針之急投十全大補或口噤遺尿
乃氣血虛極亦用十全大補加炮附子大抵
此症若因膿血去多宜以補中益氣加羌活
主之或人素多痰因傷損而見風症宜二陳
白朮芎歸梔子苓連氣虛加四君血虛加四
物血氣俱虛內熱甚而生風者宜四物參朮
柴苓梔子若因怒傷而見前症宜小柴胡湯

倍加川芎山梔天麻釣藤鉤若患破傷風至
三五年忽然復發或跌撲而患者皆氣虛有
痰所致也用二陳參朮芎歸主之

治驗見正
體部

論癰疽喉舌生瘡如菌第四十二

李氏云癰疽不服內托散或失宣內毒致咽喉
口舌生瘡甚則生紅黑菌害人甚速當用琥珀
犀角膏治之向有患此症者諸法不效余用此
藥一日而安

愚按前症多因酒色過度虧損腎水虛火上
炎或五疳元氣消燄虛火上攻而致治當滋

其化源最忌黃柏知母之類恐復傷胃氣也

附治驗

大尹王汝鄰兩足發熱吐痰如湧左尺數而無力余謂是三陰虛彼反以四物二陳黃柏知母之類喉舌作痛又服清熱敗毒之劑其舌如赤桃脉洪數而無力此脾肺復傷腎經虧甚虛火上炎水泛而爲痰也當滋化源以生腎水遂用補中益氣湯六味地黃丸而愈二守韓宗器不慎起居舌脹如菌痰湧便秘服苓連二陳之類脉浮而數欲針出血余謂

此足三陰虧損之症且有形而不痛者陽之類也法當峻補其陰毋損其血况虛浮之脉乎遂朝補脾肺夕滋腎肝而愈後因大勞面目俱赤遍身搔痒時已仲冬余曰大熱而甚寒之不寒是無水也乃用制火壯水之劑而愈搖城金允文舌脹吐痰反服降火化痰針刺出血便秘痰甚余診之左尺關洪數右寸關弦數用滋腎水生肝血益脾胃之劑諸症少愈因近火頓面赤身痒六脉弦數余謂此水竭火升之象難免于春二月矣於次年清

明日果卒

琥珀犀角膏

真琥珀

研

犀角

一鎊

各錢

辰砂

研極細

茯神

去皮心各二錢

片腦

研字

一錢

人參

三錢

酸棗仁

去皮炒二錢

右爲末煉密丸彈子大

每服一丸麥門冬煎

湯化下

愚按前方雖有人參茯神酸棗仁安神補氣

但琥珀等四品氣味辛散恐虧損真氣須審

症而用之可也

李氏云癰疽之症不服托裏之藥熱毒內攻喉舌生瘡甚至黑爛當服犀角散以解其毒

犀角屑

玄參

升麻

黃芪

赤芍藥

麥門冬

去心

生粉草

當歸

各一兩

大黃

微炒三兩

右爲粗末每服三錢水煎

愚按前方破血降火內疎之劑也若其脉沉實大便秘結發熱作渴喜飲冷者屬熱蓄於內方可用之若其脉虛浮大便不結發熱作渴畏飲冷者乃屬血虛於外可用當歸補血